



Nuuk 9. oktober 2018

UKA2018/186

Jens Napâtôk, Partii Naleraq

**Uunga siunnersuut: Avatangiisinut Aningaasaateqarfik pillugu Inatsisartut inatsisaat nr. xx, xx. xxx 2018-imeersoq.**

(Naalakkersuisut Siulittaasuut)

**Siullermeerneqarnera**

Naalakkersuisut siulittaasuata saqqummiusnaanut Avatangiisinut Aningaasaateqarfik pillugu Inatsisartut inatsisaat nr. xx, xx. Xxx 2018-imeersoq pillugu ima Partii Naleraq sinnerlugu oqaaseqaateqassaagut.

Avatangiisinut aningaasaateqarfimmik pilersitsinarluni Naalakkersuisut inatsimmik siunnersuummik saqqummiusnaanut Partii Naleqqami nalilersuilluareerluta oqaatigissavarput siusinnerusukkut aningaasaateqarfik pilersitissimasariaqaraluartoq qangaaniillimi Gas uulia, diesel uulia, Jet A1 ilaalu ilanngullugit literimut 10 øre-mik akitsuuteqalersimammata, taakkulu nunatta karsianut isaaterusaaginnarnagit qanoq iliuuseqartoqarnissaanut atorneqartariaqarsimagaluartut

Taamaammat taakku akitsuutit maannakkut aningaasaateqarfimmi pilersitsitsinikkut aningaasaateqarfimmut katersorneqarlutik avatangiisinut iluaqutaalersussamik atorneqartalersussatut katersannornissaat pissusissamisoorutut Partii Naleqqamiit isigigatsigu oqaatigissavarput aammalu tassunga ilanngullugu Gassit assigiinngitsut aamarsuillu assigiinngitsuni akitsuutitigit isertitat ilanngullugit aningaasaateqarfissamut ikisalernissaat pissusissamisoorluni.

Avatangiisinut aningaasaateqarfiup akitsuusiinikkut isertinniagaat avatangiisinut pitsanngorsaatissatut suliniutinut assigiinngitsunut immikkoortunut qulaaluanut atorneqartarnissaat tapiissutit tulleriiaarneqarsimapput §2 imm. 2 naapertorlugu imatut:

- 1) *Ikuallaaviit eqqagassanillu isumaginnittarnerit pilersinneqarnissaannut imaluunniit nutarternissaannut.*
- 2) *Anartarfilerisarfinnik pilersitsineq imaluunniit nutarterineq.*
- 3) *Eqqakkanik inissiisarfinnik nakkutigisaasunik pilersitsineq.*
- 4) *Qamutininik motoorilinnik atorsinnaajunnaartunik passussineq, ilanngullugu isaterineq imaluunniit atoqqiineq.*
- 5) *Suliffeqarfii, sullissiviit, inissiat imalt. asimi eqqakkanik passussineq.*
- 6) *Angallatinik qimataniq passussineq.*
- 7) *Aalisakkanut qassutinik igitanik allanillu imaani eqqakkanik passussineq.*
- 8) *Aalisartarfinnik piniariartarfinnillu eqqiluutsuutitsineq.*
- 9) *Suliassat, innuttaasut aamma suliffeqarfii isumalluutinik eqqumaffiginninnissaannut ajornarunnarsitsisussat imaluunniit ajornannginnerulersitsisussat.*



Tamakku qinnuteqaateqarnikkut piviusunnngortinneqarnissaanut uuliat akitsuutit saniatigut ima akitsuusersuinikkut ilaatigut aningaasalersorniarneqarlutik:

1) Qamutininut motorilinnut avatangiisinut akitsuut

Qamutininut motorilinnut nunatsinnut eqqunneqartumut

Motoorininut akitsuummumut ukiumoortumik akilerneqartartumut atatillugu akilerneqartartoq.

2) Umiarsuarnut/angallatinut

Umiarsuarmut/angallammumut nunatsinnut eqqunneqartumut imaluunniit nunatsinni sananeqartumut ataatsimut immikkoortumut imaluunniit procentinngorlugu akitsuutitut akilersinneqartassaaq.

3) Illumi atortorissaarutininut, elektronikkimut, batterininut, aqerlumut akkumulatorininut assigisaannullu nutaanut avatangiisinut akitsuut

4) Nioqqutissanut toqqartukkanut Avatangiisinut akitsuut.

5) Imerusaatinut aammalu puussianut plastikkinut poortuusersuutininut akitsuutit

6) Aalisakkanut qassutininut avatangiisinut akitsuut Assersuutigalugu aalisakkanut qassutinik eqqussinermi imaluunniit tuniniaanermi avatangiisinut akitsuusiisoqarsinnaavoq.

Suliniutigineqarfigineqartussat taamatut aningaasalersorneqarnissat Naalakkersuisut siunnersuutigaat.

Suliniuteqarfigisassat maannakkummut qitiusumiit sumiginnarneqarsimallutik ukiorpassuarni iliuuseqarfigineqareersimasussaagaluartut nunatta karsianiit akilersorneqarlutik maannakkut akitsuusersuinikkut akilersugassanngorlugit siunnerfigineqartut.

Nunatsinni inuuniarnikkut maannakkut innuttaasut amerlasoorpassuit ulluinnarni naammattusaareqqissaarlutik inuuniapiloorput.

Amerlasoorpassuit inuuniarnerminni ineqarnerminnut akiliuteqaraangaamik ineqarnermut akiliutit akisungaarmata oorisiatik annertunerpaartaat ineqarnerinnarminnut akiliutigisarpaat, ulluinnarninni annertunerusumik allanut akissaarullutik.

Taamaammatt inuiaqatigiinni taamatut ilungersuuteqartut amerlatigisut qaavatigut akitsuusersuiffigeqqinnissat piffissaanngilaq.

Nioqqutissat akisoorujussuupput nioqqutissat akitsuusersorneqaqqippata inuiaqatigiinni ilungersuuteqareeqisut innarliifferujussuassavagut.

Nalorninartut ilagaat akitsuutit qanoq annertutigisumik inissisimassanersut inatsisissami erseqqisumik nalunaarutigineqanngimmata, taamaattumillu sunniutissai qanoq annertutigissanersut nalileruminaassinnaagaluartoq qularnanngitsoq tassaavoq Kalaallit Nunatsinni suna tamaat akitsuusersungaarmat inuiaqatigiinni inuuniapiloorneq ilungersunartorujussuarmut maannakkumut



partii naleraq

killiffeqarsimalluni, taamaamat suli qaavatigut artukkeeqqinnissarput pissusissamisunnigilaq piffissaasorinaranilu.

Partii Naleqqamiit akitsuusersuisimanerit annikillisarnissaat pingaartitaraarput, Avannaani qaleralinnut akitsuut peernissaa kissatigaarput. Biilit eqqunneqarneranut akitsuutit annikillisarnissaat kissaatigaarput. Snescooterit, atv, 4-hjulillu akitsuutaat piiarnissaat kissaatigaarput.

Kissaatiginnigilluinnarparput killormut ingerlaqqilerluta akitsuusersuineq aallarteqqissasoq, siunertaq pitsaasoq uuliamut gas-inullu akitsuutit toqqorterlugit aallartinniarta aammalu landskarsimiit taperneqartarluni aningaasaateqarfik, taava suliniutit taamaasillugit aallartiffissaqartillugit.

Siunnerfiit suliniuteqarfiginiartullu tapersorsorluinnarpagut, kisiannili tulleriaarinikkut pilersarusiorlugit aammalu kommunit suleqatigalugit tamakku ukiorpassuarni suliniutigineqarfigineqaratik sumiginnarneqarsimasut aallartiffeqartariaqarput.

Avatangiisinut aningaasaateqarfik pilersinnissaa tapersorsorparput suliuneqarfigisassat tulleriaarinikkut qinnuteqarnikkulluunniit suliniuteqarfigineqarnissai tapersorsorsigit, kisiannili aningaasaateqarfik innuttaasut kaasarfianiit aalleqqilluta immerneqarnissaa akuerseqataaffigisinnaanngilarput.